



In dumënia ai 12 de Má él gnü sughé la setima partida dl ritorno dl campionat 2012/2013 de 3° categoria por La Val. La partida é gnüda sugada te ciasa cuntra la squadra da Niederdorf che é secundi te tlassifica.

Da mët man dla partida se stënta n pü la squadra da La Val y Niederdorf, dô da 10 menüc a na gran ocasiun. L atacant de Niederdorf ciafa n lancio da meta campo e rüva sú dan l portier. Mo Sepl in uscita è bun da parè. La squadra da Niederdorf fesc inant druck y sön na trata da fuori area el Elmar che se ciafa l pale avisa ados a n brać. L arbitro sciüra rigore che l atacant fesc ite. 1 a 0 por Niederdorf dô da 15 menüc. L allenatore da La Val se lascia sò cul arbitro pur l rigore y inscio vëgnel desgort dal campo. La squadra da La Val ne se lascia nia sciure jö e fesc inant so jüch...mustran n bel calcio. Dô da 25 menüc él Alex sön n angolo che abina l pale de cé mo al fala la porta de püch. Sëgn el ma plü La Val che süga y ai vëgn tres plü prigurusc. Cis sön i calci d angolo se stënta Niederdorf y avisa dan angolo garetel l' pareggio d La Val cun Alex dô da 35 menüc. L pale attraversëia düta l area y Alex è le plü asvelt da ruvé sön le pale y de "punza" fejel l 1 a 1. Niederdorf ne süga nia n bel calcio...al è tres ma i centrocampisti che pro cun lanci sura la difesa da La Val ite da abiné i atacanc. Mo casc ne ti garetà nai cis bun. Insciö se stlüsc jö le prüm tēp ulache le pareggio è zigü le resultat plü jüst.

Tl secundo tēp mët indô man la squadra da Niederdorf miu y bele do da püc menüc ai dös de gran ocajuns. Trami dui i iadi vëgnel ite n cross che l atacant abina de cè, mo por furtüna ne atochel de püch nia la porta. La Val bel plan mët indô man da fa so jüch y casc ti garetà bun. Dô da 15 menüc él Ivan che fesc n lancio da meta campo pur Romeo. L difensur dl Niederdorf por l anticipè ol ti de zbruch le pale de cé al portier mo chisc dui ne se capësc nia y insciö el l pale che rüva te porta. 2 a 1 por la squadra da La Val. L vantaggio pur La Val è zigü mirité. La Val süga inant bun y Adrian ess na gran ocasiun pur stluj jö la partida. Ivan fesc dribbeln n per de defensurs dla squadra avversaria y ti pasa l pale a Adrian te area. Al tira n per de zentimetri dlungia porta ia. Dô da 25 menüc el spo Niederdorf che fesc l pareggio. Sön l solito lancio el l atacant bun da ti sciampè ai defensurs. Sepl pro ciàmò da gni fora de porta mo l atacant tira l pale dlungia Sepl ia y fesc insciö l 2 a 2 a porta öta. Dô da mesora él spo Niederdorf che ciafa

na punizione al limite...le pale va avisa tl incrocio y Sepl cun na gran parada è bun da devié in angolo. Sëgn el trames les scuadres dër lunges y al gareta ocapiuns da trames les perts. Mo les mius ocapiuns à cià mò la squadra da La Val. A 5 menüć dala fin tira Ivan na punizione...le portier sta ma a ciarè pro le pale minan che al jiss fora. Indere le pale ciafa na strana traiettoria y abina l palo. Ti ultimi menüć el cià mò la squadra da La Val che fesc druck y sön na mischia te area el Alexander che vëgn antizipé al ultimo mumënt da n defensur. La partida se rüva in paritè...ince sce La Val se ess mirité val deplü mustran n bel calcio.

Cun chësc punt davagné, resta La Val al 7° post.

Proscima partida é in dumënia cuntra Percha, dales 16:00.

La formaziun titolara: Sepl, Alex, Paolo, Elmar, Marco, Stefan, Ivan, Aderian (dal 80° Lukas), Franzi, Alexander, Romeo

Por udëi i atri resultač (ince di atri campionač ulache sogadusc da La Val süga para)
drüca: [resultač](#)